

中国边疆研究资料文库·边疆民族资料初编

西北及西南民族

中国边疆研究资料文库·边疆民族资料初编

西北及西南民族

新
子
知
船
聲

PDG

清·曹振鏞等撰

欽定平定回疆剿擒逆裔方略

卷二十七——三四

清道光刻本

欽定平定回疆剿擒逆裔方略

一六三七

欽定平定回疆剿擒逆裔方略

解題

PDG

新學知

解學

PDG

欽定平定回疆剿擒逆裔方略卷之二十七

道光六年秋九月甲午

嘉諭渾巴什河剿賊連勝官兵

叅贊大臣署陝甘總督楊遇春奏言

臣於九月

初一日行至哈密廳屬地方接據長清達凌阿

急遞信稱阿克蘇渾巴什河南有賊匪盤踞與

我兵相持數日於八月三十一日將烏什之察

哈拉克臺焚燒並搶掠阿拉爾莊當經達凌阿
會同巴哈布帶兵趕赴河沿分布堵禦次日賊
匪躡淺渡河官兵奮勇迎剿自未至酉殺賊三
百餘名生擒四十餘名賊匪退過大河向南逃
竄官兵追至大回莊燒斃一百多名獲賊牲畜
無數不意又有賊匪一股由托什罕過河古魯
巴克防堵叅將清安因兵單不能抵禦該匪旋

撲圍協領都倫布營盤並阻斷副將郭繼昌營
盤救援之路零匪竄距阿克蘇城二十里之遙
趕緊折回救援等語臣一面飛飭達凌阿等加
意堵禦嚴顧城池臣卽加站前進初三日復據
長清等報稱二十三日賊匪衝散叅將清安卡
倫後差有數十人探聽城內消息知有準備仍
卽折回合聚大股圍住都倫布營盤又分股直

撲郭繼昌營盤該副將帶兵出營迎敵槍斃賊
匪千餘名餘匪退避協領都倫布都司孫旺與
賊禦抵一夜至黎明時郭繼昌帶領都司李遐
齡及馬步官兵並郭繼昌札調額爾古倫帶領
守河錫伯索倫兵三百名趕至都倫布營盤額
爾古倫郭繼昌親率馬隊衝開賊圍都倫布孫
旺亦帶兵自營盤衝出兩面夾擊賊衆散亂我

兵痛加勦戮殺賊三百餘名賊首帶領數賊向西奔竄經固原兵丁單存等追及五里用矛戳斃割取首級衆賊紛紛逃竄過河官兵併力追至河沿槍箭齊發賊匪墜馬淹斃及帶傷落河者三四百名奪獲旗幟軍械極多各營盤及河以南回子陸續搜拏生擒賊匪一百餘名認明戮斃賊首係和卓庫爾班素皮活賊均於訊明

後卽行正法阿克蘇爲回疆適中扼要之區該
賊匪屢次差人煽惑意圖侵佔今殲除一千數
百餘名實足以彰

天討而快人心但該匪經此次挫折之後難保不再

糾約葉爾羌等處逆回復來滋擾

臣

已飛飭達

凌阿等不可因目前已獲全勝河北現無賊匪
稍涉大意仍囑其於扼要地方並沿河一帶嚴

密防範烏什兵力較單業經長清等趕調札木
留防伊犁官兵五百名前往幫同守禦俟臣趕
到會商長齡再行相機進剿此次出力殺賊官
兵現已飭行達凌阿等據實查明保送由長齡
覈辦惟據該提督報稱現在陣亡帶傷滿漢兵
丁二十餘名除陣亡各兵照例查辦外其帶傷
兵丁俱能奮不顧身勇往直前實堪嘉卹懇

恩量予鼓勵奏入

上諭內閣曰楊遇春奏途次接據阿克蘇馳報剿堵賊匪連獲勝仗情形覽奏欣悅之至阿克蘇渾巴什河南岸屯聚賊匪竟敢躡淺渡河滋擾經達凌阿巴哈布督兵迎剿殲擒賊匪多名突有另股賊匪由托什罕過河撲圍協領都倫布營盤並分賊斷阻副將郭繼昌往援之路復經該副將率同都

司李遐齡帶兵出營迎敵槍斃多賊餘匪退避連
夜調集額爾古倫所帶防河錫伯兵齊赴都倫布
營盤奮勇衝擊該協領亦與都司孫旺帶領滿漢
官兵突圍衝出兩面夾擊賊衆潰散痛加剿戮賊
首奔竄復經兵丁單存等追及刺斃統計臨陣剿
殺及墜馬落河傷斃並搜獲活賊共一千數百餘
名大河以北已就肅清該逆裔屢次差人煽惑附

近回莊窺伺阿克蘇今將竄擾股匪殺戮淨盡並
將其賊首庫爾班素皮就地殲戮實足以快人心
而褫賊魄長清達凌阿巴哈布督率有方俱著加
恩交部從優議敘郭繼昌親率馬隊奪路殺賊立
解重圍最爲奮勇甚屬可嘉郭繼昌著加恩賞給
幹勇巴圖魯名號記名以總兵用都司李選齡著
以遊擊升用先換頂帶都倫布與都司孫旺帶兵

衝圍兩面夾擊賊始潰散亦屬奮勉都倫布著賞
戴花翎孫旺著賞加遊擊銜已革總管額爾古倫
戴罪自贖兩次殺斃賊匪多名茲又隨同奮力剿
賊著加恩以防禦補用固原兵丁單存奮勇直前
追殺賊首著以千總卽用並賞戴藍翎現在傷亡
滿漢兵丁二十餘名除陣亡者先行查明咨部照
例賜卹外帶傷兵丁著長清等卽行查明奏請恩

施其餘此次滿漢蒙古官兵尤爲出力者並著長清等據實詳查統交長齡分別奏請鼓勵

上又命軍機大臣傳諭長齡楊遇春並諭長清達凌阿曰現在渾巴什河以北雖已捕賊淨盡其南岸屯聚之賊前奏有五六千名茲將竄渡者殲除一千數百餘名其餘賊匪是否仍屯南岸抑竟退避遠竄前此分往烏什賊匪已將該城兩處軍臺佔

據此次賊勢若何該城能否固守亦當偵探明確
昨據活賊供認已斃賊首係和卓庫爾班素皮是
否張格爾差來逆黨抑係各城回子新近從賊著
於留質各賊匪內詳悉訊明具奏至賊首逃竄時
據奏係兵丁單存等追至用矛戳斃割取首級單
存既列名在前自係首先刺斃賊首之人是以降
旨加恩著長齡等詳查確實如當時非單存首先